

青陽縣志

12
地23035

39

10

藝文志

考獻必兼徵文將以傳信也陵陽夙稱古郡沿革有年九子
勝冠江南歌詠具在斯皆苔侵鳥篆文擬岫嶺壁護紗籠香
生翰墨彙而集焉異日輜軒下採外史備掌其在斯乎藝文
志十

五言古

至陵陽山登天柱石韓侍御見招隱黃山 李 白

韓侯騎白鹿同往華山中玉女千餘人相傳在雲空見我傳祕
訣精誠與天通何意到陵陽游目送飛鴻天子昔避狄與君亦
乘驄時秦解繡衣脫身若飛蓬鸞鳳翻羽翼啄粟坐樊籠海鶴

青陽縣志

卷十

藝文志 詩

一笑之思歸向遼東黃山過石柱巘峩山攢叢因巢翠玉樹忽
見浮邱公又引王子喬吹笙舞松風朗吟紫霞篇請開藥珠宮
步欄遶碧落倚樹招青童何日可攜手遁形入無窮

九華山聯句并序

青陽縣南有九子山山高數千丈上有九峰如蓮花按圖
史名無所依據太史公南遊略而不書事不經故老之口
復闕名賢之紀雖靈仙往復而賦詠罕聞予乃削其舊號
加以九華之日時訪道江漢憩於夏侯之堂循簷岸幘坐
眺松雪因與二三子聯句傳之將來

妙有分二氣靈山開九華

李

層標遏遲日半壁明朝霞

高積雪



曜陰壑飛流歎陽崖

韋權輿

青熒玉樹色縹緲羽人家李白

望九華贈青陽韋仲堪

李白

昔在九江上遙望九華峰
天河挂綠水秀出九芙蓉
我欲一揮手誰人可相從
君爲東道主於此臥雲松

秀華亭

李白

遙望九華峰誠然是九華
蒼顏耐風雪奇態燦雲霞
曜日凝成錦凌霄增壁崖
何當餘蔭照天造洞僊家

枕流石

費冠卿

不爲幽岸隱古色涵空出
願以清泚流鑒此堅貞質
旁臨玉光潤時瀉苔花密
往往驚遊鱗尙疑垂釣日

青陽縣志

卷十

藝文志

詩

二

望九華

譚銖

憶彼九華山尙在童穉年
浮沉任有路窺仰會無緣
罷職池陽時復遭迎送
牽因茲契誠願矚望枕席前
況值春正濃氣色無不全
或如碧玉靜或如青靄鮮
或接白雲堆或映紅霞天
呈姿旣不一變態何啻千
巍峩本無動崇峻性豈偏
外景自隱映潛虛固幽元
我來暗凝情務道志更堅
色與山異性性併山亦然
境變山不動性存形自遷
不阻俗自定自定不失賢
浮花與朱紫安可迷心田

和王季文題九華

僧神穎

眾岳推分野九華鎮南朝
彩筆凝空遠崔嵬寄青霄
龍潭古仙

府靈藥全不凋瑩爲滄海境煙霞作荒標造化心數奇性狀精
氣饒玉樹鬱玲瓏天籟韻蕭寥寂寂尋乳竇兢兢行石橋通泉
漱雲母藉草縈香茗我在幽且深君賞昏復朝稀遠發清唱片
片霜凌颺

贈九華處士鞏疇併序

鄭薰

九華處士鞏疇擅元言之要道通易老其於淨名僧肇
尤精達余在句溪時車幣而致之及到官舍再說易一
說老氏將兒姪輩執卷列坐而傳之老氏業畢而寇難
作與鞏各散去不知其存耶亡耶余旣休居洛師鎖扉
獨靜己卯冬十一月半雪中有客扣柴門樵童視之走

青陽縣志

卷十

藝文志

詩

二二

復曰九華鞏處士遽開門執手話艱苦鞏背笠笈草履
杖靈壽下笠且哈笑曰聞公恬養澹逸不屑於榮悴故
以元來助成之升榻解笈散四書卽易老淨肇也明日
講肇論階前多偃松高桂冰凍墮落有金石琴瑟聲理
致明妙神骨超爽自謂一時之遇日與故人爲徒又意
此樂之難偕也遂成二十韻贈之

密雪松桂寒書牕導餘清風撼冰玉碎階前琴磬聲榻淨几硯
潔帙散縑緗明高論展僧肇精言資鞏生立意加元虛析理分
縱橫萬化悉在我一物安能驚江海何所動邱山常自平遲速
不相闕後先徒起爭鏡明分妍醜秤稱分重輕顏容甯入鑑銖

兩豈關衡蕙微道超忽剖証音冷冷紙上掣牢鍵舌端搖利兵
圓澈保真性客塵排妄情在住卽非住無行方是行疏越捨朱
絃哇淫鄙秦箏淡薄貴無味非斟慚太羹洪遠包乾坤幽窅潛
沉冥罔煩跬步舉頓達萬里程廬遠向莫曉隱留曾誤聽直須
持妙說共詣毗邪城

七言古

九華吟

王季文

九華崢嶸占南陸蓮花擢秀山半腹翠屏橫截萬里天懸水落
成千丈玉雲梯石磴入杳冥俯看四極如中庭丹崖壓下廬霍
勢白石隱出斗女星松衫一歲由數尺暖草黃綠秀層壁南風

青陽縣志

卷十

藝文志

詩

四

拂草雲霧開滿山葱蒨鋪鮮碧雷霆往往從地發龍臥豹藏安
可別峻極遙看曼吳蒼挺生豈得無英傑神仙憚險莫敢登馭
風駕鶴踰邱陵陽鳥不見峰頂樹大火尙結巖中冰靈光爽氣
薰復旭晴天倒影西江淥具區彭蠡夾兩傍別作一嶽當少陽
郡樓望九華

霍總

樓中坐見九華峰翠雲赤日光溶溶有時朝昏變疎密八峰和
煙一峰出有時風捲天雨晴序立聯聯如弟兄陽鳥生子偶成
數丹鳳養雛同此名日月遙看機已靜未離塵躅尋真境子明
駕龍騰九垓陵陽相對空崔嵬玉漿瑤草不可見自有神仙風
馬來

望九華山

林滋

茲山特出何怪奇，上有萬狀無凡姿。大者嶙峋若奔兕，小者崑崙如嬰兒。玉柱金莖相拄杖，千空榆碧勢參差。稀中始訝巨靈勢，缺處乍驚愚叟移。蘿煙石月相蔽虧，天風裊裊猿呶呶。龍潭萬古噴飛溜，虎穴幾人能得窺。吁，余比年愛靈鏡，到此始覺神魂馳。如何獨得百尺索，直上高峰拋俗羈。

登九華樓

杜牧

晴光潑灑含淺沙，高低遶郭帶秋花。牛浦漁笛山月上，鴛渚鷺梁溪日斜。爲郡異鄉徒泥酒，杜陵芳草豈無家。白頭搔殺倚柱遍，歸棹何時軋軋鴉。

青陽縣志

卷十

藝文志

詩

五

和杜使君見寄

張祐

孤城高柳鳴曉鴉，風簾半鈎清露華。九峰聚翠宿危檻，一夜孤光懸冷沙。出岸遠暉帆欲落，入谿寒影雁差斜。杜陵歸去春應早，莫厭青山謝眺家。

五言律

秋日與冷然上人化城寺莊觀稼

費冠卿

世人從所好，獨自愛身閒。美景當新霽，隨僧過遠山村。橋出秋稼空，翠落澄灣。唯有中林犬，猶應望我還。

經費拾遺故居

李羣玉

雲臥竟不起，少微空隕光。惟應孔北海，爲立鄭公鄉。舊館苔鮮

合幽齋松菊荒空餘書帶草日日上階長

秋日懷九華舊居

杜荀鶴

吾道在五字吾身甯陸沈涼生中夜雨病起故山心燭共寒酸
影蛩添苦楚吟何當遂歸去一徑入松林

旅中送人歸九華

許棠

分與仙山背多年負翠微無因隨鹿去只是送人歸頂木晴摩
日根嵐曉潤衣會於猿鳥外相對掩高扉

經費徵君舊居

僧齊已

高眠當聖代雲鳥未爲孤天子徵不起閒人親得無猿獾狂欲
墜水石怪難圖寂寞荒齋外松杉相倚枯

青陽縣志

卷十

藝文志

詩

六

經九華山費徵君故居

張喬

草堂蕪沒後來往問樵翁斷石荒林外孤墳晚照中數溪分大
野九子立寒空煙壁曾行處青雲路不通

自九華山拜官因以寄獻

劉補闕

冥鴻久不羣徵拜動天文地主迎過郡山僧送出雲登車斜日
在宿館亂流分若更思林下還湏共致君

留寄九華鄭參軍

李昭象

還如費冠卿向此振高名肯羨魚鬚美長誇鶴鬣輕理琴寒指
倦試藥黑髭生時泰難雲卧隨看急詔行

費徵君舊居

張蠟

浮世拋身外棲蹤入九華遺篇補樂府舊籍隸仙家池靜龜升
樹庭荒鶴隱花古來天子命還少到煙霞

挽費拾遺

杜荀鶴

凡弔先生者多哀荆棘間不知三尺墓高并九華山天地有何
外子孫無一閒當時若詔起未必得生還

贈青陽李令

杜荀鶴

善政無慙色吟歸似等閒惟將六幅絹寫得九華山求理頭空
白終官債未還仍聞琴與鶴俱在一船間

七律言

登九華樓寄張祐

杜牧

青陽縣志

卷十

藝文志

詩

七

百感哀來不自由角聲孤起夕陽樓碧山終日思無盡芳草何
年恨卽休睫在眼前人不見道非身外更何求何人得似張公
子千首詩輕萬戶侯

詠協濟祠

羅鄴

靈廟門依山半開松庭瀟灑絕塵埃時聞樵者經過說數有神
僊變化來龍起陰雲生畫壁鳥歸寒栗落蒼苔自從鼓吹喧闐
日千里封疆不復災

西隱寺憶九華

封敖

二年未到九華山終日披圖一室間秋寺喜逢晴後賞雲峰看
待足時還猿從有性留僧住雲藹無心伴客閒勝事倘能銷日

月已拚名利不相關

隱居卽事

費冠卿

坐計惟將三尺僮學他賢者隱牆東照眠夜後多因月掃地春
來祇藉風幾處孤旌驅戰士一園青草伴衰翁子房仙去孔明
死更有何人解指蹤

宿九華化城寺

僧冷然

佛寺孤存千嶂間我來詩境強相關巖邊樹動猿飲澗雲裏錫
鳴僧上山松月影寒生碧落石泉聲亂噴潺湲明朝更躡層霄
去誓共煙霞到老閒

望九華

柴夔

青陽縣志

卷十

藝文志

詩

八

九華如劍插雲霓青靄連空望欲迷北截吳門疑地盡南連楚
界覺天低山池水蘸中秋月石路人攀上漢梯惆悵舊遊無復
到會須登此出塵泥

靈芝鎮曉次五溪寄杜使君

曹汾

戴月早辭三秀館遲明初見九華峰嵯嵯玉劍寒鋌利裊裊青
蓮翠色重怪狀卻疑人畫出嵐光似爲客添濃行春若到五溪
上此處褰帷正面逢

化城寺

羅鄴

慶雲生處梵王宮躡磴攀蘿一徑通金殿忽開青嶂裏天人疑
在白雲中秋霄爽浪空潭月暑氣蕭寥古柏風況是慈悲清淨

地香煙像設固無窮

九華賀雨吟

殷文圭

陶公焦思念生靈變早爲豐合杳冥雷霹老松疑虎怒雨衝煙
洞覺龍腥四畦香滿蓬窗綠九朶峰奇樸凹一作亞青吟賀西成
饒旅興散絲飛灑滿長亭

龍潭

僧應物

石激懸流雪滿灣五龍滑溜野雲閒漸收雷電九峰下且飲溪
潭一水間浪引浮槎依北岸波分曉日浸東山回瞻四面如看
畫須信遊人不欲還

經費拾遺舊隱

胡駢

青陽縣志

卷十

藝文志

詩

九

林下茅齋已半傾九華幽徑少人行不將冠劍爲榮事只向煙
蘿寄此生松竹漸荒池上色琴書徒立世間名白楊風起秋山
暮時復哀猿啼一聲

同題附

羅鄴

滿袖歸來天桂香紫泥封降舊書堂自憐韋帶同巢許不駕蒲
輪佐禹湯怪石盡涵千古秀奇花多吐四時芳何人更肯追高
躅惟有樵童戲薜床

送童子下山

金地藏

空門寂寞汝思家禮別雲房下九華愛向竹欄騎竹馬懶於金
地聚金沙添瓶澗底休拈月洗鉢池中罷弄花好去莫教頻下

淚老僧相伴有煙霞

醉惠米

金地藏

棄却金鑾衲布衣修身浮海到華西原身自是西王子慕道相逢吳用之未敢叩門求他語昨叨送米續晨炊而今殮食黃精

飯腹飽忘思前日饑

按東崖萬歷年吳文粹碑載吳用之與地藏同時相契並引此詩舊志刻柯用之誤

龍池

高子洪

九朶芙蓉天琢開煙霞靜處翠成堆鹿啣花向林邊過龍帶雲從樹杪來最愛山中閒日月何須海上訪蓬萊翛然自覺清風爽直欲臨風翹上台

隱真泉

韓守約

青陽縣志

卷十

藝文志

詩

十

百尺蒼崖一掬泉傳言此地隱神僊山連句曲半千里雲近蓬萊尺五天華露灌脣鶯語舊松風吹翰鶴談元十年奔走遐荒外到此令人薄世緣

七言絕句

寄費處士

蕭建

見說九華峰下寺日宮猶在下方開其中幽境客難到請為詩中圖畫來

登九峰樓

杜牧

凌空瘦骨寒如削照水清光翠且重却憶謫仙詩格俊解吟秀出九芙蓉

樓上看九華

殷文圭

九朶連雲勢欲騰，鳥飛難到最高層。
誰家寫在屏風上，岩上松間盡九僧。

松楊宅

吳用之

一曲清溪流向東，故家門素出儒風。
壺天月窟亭猶勝，花舫回光景甚濃。

望九華

楊鴻

九華開屋簇清虛，氣象羣峰畫不如。
惆悵都南挂冠吏，無人解向此山居。

貽九華上人

僧齊已

青陽縣志

卷十

藝文志

詩

十一

一法傳聞繼老能，九華閒臥最高層。
秋鐘盡後殘陽暝，門掩松邊夜雨燈。

九華樓

張喬

一夜江潭風雨後，九華晴望倚天秋。
重來此地知何日，欲別殷勤更上樓。

五言古

宿化城寺閣

王安石

白雲如驅羊，滿谷不可量。
散作毘羅錦，中藏寶月光。
山窗夜閒靜，時聞葉鳴廊。
僧房杳清寐，佛爐篆餘香。
吟猿遞空碧，宿鳥驚飛霜。
起坐四面顧，芙蓉蔚蒼蒼。
人生始得

飽豈必二頃糧金地黃粒米當味齋廚香

答平甫舟中望九華

王安石

誰謂九華遠吾身未嘗詹唱篇每起予予口安能箝憶在秋浦
北空江上新蟾光潔寫一鏡迴環兩堤奩露坐引衣襟風行歆
帽簷維舟當此時巨細得盡瞻試嘗論大略次乃述微纖此山
廣以深包畜萬物兼噓雲吐霧雨生育靡不漸巍然如九皇德
澤四海沾此山相後先各出羣峰尖毅然如九官羅立在堂廡
挺身百辟上附麗無姦儉此山高且寒五月不覺炎草樹萋已
綠冰霜尙涵淹頽然如九老白髮連蒼髯此山當無雲秀色鬱
以添姘然如九女靚飾出重簾珮環與巾裾紺玉青紈練遠之

妍西施近或醜無鹽變態不可窮詩者徒咕咕我初勇一往役
世難安恬浪荒不徒職民瘼當誰砭乖離今數旬夢想欲窺覘
自期得所如何啻釋囚鉗念昔太白嶺下視海日暹榻來天柱
遊履齒尙苔黏猶之健飲食屢饗亦云饜胡爲慕攀踏已憊且
不嫌豈其仁知心山水固所潛男兒有所學進退不在占功名
苟不諧廊廟等閭閻況乃掄椽杙其誰辨梗楠歸歟巖崖居料
理帶與籤得石坐兀兀逢泉飲厭厭取舍斷在獨豈必詢謀僉
子語實慰我甯殊邑中黔玉枝將在山當倚以葭蒹詩力我已
屈鋒鋌子猶銛扶傷更一戰語汝其無謙

過九華山

蘇轍

南遷私自喜看盡江南山孤舟少僮僕此志還復難局促守破
牕聯翩過重巒忽驚九華峰高拱立我前蕭然九僊人縹緲凌
雲煙碧霞爲衣裳首冠青琅玕揮手謝世人可望不可攀我行
意草草安能拍其肩但聞有高士臥聽松風眠松根得茯苓狀
若干歲龜煮食一朝盡終身棄腥羶腹背生綠毛輕舉如翔鸞
相逢欲借問已往長松端

望九華山

蘇舜欽

輕舟出池口遙望青陽郭雲開見九華爭先出鋒鏑參差欲背
闕尖銳圭首削竹箭拔春芽芙蓉攢秋萼奇姿信明麗遠勢仍
聯絡下有厓谷幽真靈諒茲宅詭哉末世士強以名號託丹崖
不受稱青峰鎖如昨千載知屬誰含情寄冥漠

寄題九華樓

郭祥正

千金建傑閣遙對九華峰紫光射曉日璀璨金芙蓉南風吹秀
色半落尊酒中酒味愈冷冽琴聲又玲瓏飄然紫霄想何日附
冥鴻

池陽大江望九華

周忱

九華信名山翠嶽盤京甸江淮數千里秀峙真獨擅我從池陽
來十載屢行縣攬結非無懷煙雲惜多變勝處不易窺或隱或
半現及茲泛長江浪靜風亦便回首豁晴空九華一時見千態
與萬奇指點堪數遍倚篷過百里注目心不倦恍如逢故人愜

意欣覲面緬懷唐詩僧靈境構深院又聞錦袍仙書堂蔽葱蒨
安得躋其崖吟玩咨遊行功名未有期對此空眷戀

九華紀行

方志

秋雲一夜雨落葉滿階飛自笑耽遊者天寒尙未歸遙遙望九
子昨已夢牽衣明將綠玉杖拄雲眠翠微

五言律

滕學士九華山書堂

梅堯臣

處山方畏淺曾慕結深廬要與雲峰近甯將野客疎澗苗來入
俎林鳥或窺書何事輕茲藥而從出塞車

九華山菴

章賁

青陽縣志

卷十

藝文志

詩

十四

松嶠與雲齊雲門衲子棲禪房花自潤覺院鹿應迷晝暝茶煙
重朝分塔影低何當拂磐石來聽白猿啼

金陵得郡歸曉發梅根市舟中望見九華 楊萬里

山外雲濃白峰頭日淺紅橫拖一疋絹直掃九芙蓉奔走來船
裏提攜入袖中寄言杜陵老不用剪吳淞
役役催行邁匆匆過此春杯翻五湖月筆掃九華雲不是風煙
好何緣字句新茲遊四千里今日過三分

過池州見九華有感

文天祥

五老湖光遠九華山色昏南冠前進士北部故將軍芳草江頭
路斜陽郭外村匆匆十年夢故國黯銷魂

九華崇壽院

僧希坦

踏破蒼苔徑幽居在嶺巔亭臺清映月松竹淡籠煙佳客纔登
席高僧忽起禪呼童急煎茗新汲白龜泉

廣化院

僧希坦

路轉幾多曲山登千萬重未遊走馬澤先看鬪雞峰高樹出雲
聳寒泉趁石春徜徉因覓句時復倚青松

海福院

僧希坦

路入轉幽處渾旋別是天虬松雖變化牛石尙酣眠驟過一番
雨鳴飛七布泉望中千點雪白鷺立平田

五溪道中望鳧鴈羅漢諸峰

曹組

青陽縣志

卷十

藝文志

詩

十五

天半現諸相峰峰鑄欲真嵐清山亦喜石礙水宜噴人面堆新
翠羊腸貯小春芝光千萬狀去去逼人親

登九華山

曹天祐

問法尋空洞憑高望遠山人煙開合處江練有無間雲暖花繁
塢峰清月近關禪心何最寂鐘磬夜來閒

李白書堂

柯暹

謫仙讀書處塵市少人知路進天涯近巖深月到遲殘碑當自
續新塔共誰移老去空懷古巢雲未有期

登九子山

袁中道

多時餐黛色逼視益孤清切玉峰端過盤鴉髻上行雪明雙水

合雲展萬峰平重見山尤物移余選勝情

七言律

李白書堂

柯敬之

久欲華山訪謫仙謫仙書舍尚依然青松翠柏疑無路流水高山別有天千片浮雲飛碧漢一聲啼鳥破蒼煙扶筇直上中峰頂一看千山在眼前

葛稚川煉丹室

施梓人

暇日肩輿上翠微煙光巒氣濕人衣桃花片片隨流去巖溜冷冷作雨飛丹井稚川成藥處雙峰滕子讀書基觀音閣上清風爽擬我諸公吟未歸

青陽縣志

卷十

藝文志

詩

十六

登九華山

曹清

浮生江路水茫茫彭澤原非令故鄉爲訪子明尋玉澗也因太白宿雲房詩摩古壁搜遺韻井煉丹砂辨舊方從此欲歸情復結擬移亭舍築山傍

寄九華許亮山人

余靖

聞說方平鎮往來碧衣曾見立徘徊中真久待茅君會密信頻教鶴使催玉斧祖風應共寄瓊酥賓讌更誰陪西山五色從茲得脫略浮名薄似埃

登九華樓

高九萬

高閣臨溪可契心興來時得一登臨山雲浦樹重重合野水汀

蒲日日深鴉背夕陽供晚嘯蟬迎涼露試秋吟倚欄靜見諸峰
出如對風流李翰林

地藏塔

羅少微

還嶺峰頭霽色清知微曾此學無生鳥從青壁屏邊過人在白
雲天際行一片晴霞迎曉日萬年松檜起秋聲箇中仙景真奇
絕寶塔玲瓏最得名

七言古

九華詩并序

劉禹錫

九華山九峰競秀神采奇異昔余仰太華以爲此外無
奇愛女几荆山以爲此外無秀及登九華始悼前言之

青陽縣志

卷十

藝文志

詩

十七

容易也惜其地偏遠不爲世所傳故詩以大之

奇峰一見驚魂魄意想洪爐始開闢疑是九龍夭矯欲攀天忽
逢霹靂一聲化爲石不然何至今悠悠億萬年氣勢不死如騰
騫雲含幽兮月添冷日月凝眸兮江漾影結根不得要路津迥
秀長在無人境軒皇封禪登云亭大禹會計臨東溟乘櫟不來
廣樂絕獨與猿鳥愁青熒君不見敬亭之山廣索漠兀如斷岸
無稜角宣城謝眺一首詩遂使聲名齊五嶽九華山九華山自
爲造化一尤物焉能藉甚乎人間

望九華

程俱

船發大雲倉五十里許顧江南眾山中數峰奇爽特異

一見卽知爲九華問篙人果然因知褚季野於廣坐中
識孟萬年正應如此作詩一首

卷簾對坐江南山掠眼送青來疊疊雲泉肺腸入厭飫拄頰悠
然聊復爾奇峰遠澹忽四五爽秀駸駸逼牕几平生九華夢遊
中一見定知真是矣非關目力覩天奧正覺群山如聚米好山
如人有高韻不獨江州孟公子直緣佳處無仕徑落莫道邊同
苦李大是忘年耐久交藜杖青鞵結終始

石山橋

韓守約

石山風月跨松灘灘中水流鏗珮環橋外桃紅雨滂漑梨花初
破吳姬顏溪聲漸近松聲遙山人贈我白雲謠白雲在天不可

青陽縣志

卷十

藝文志

詩

十八

招駐馬石山風月橋

五言排律

答蕭建

費冠卿

白地上青峰懸厓幾萬重踐危頻側足登塹半齊胸飛窈啼攀
桂遊人喘倚松入林寒瘁瘁近瀑雨濛濛徑滑石稜上寺開山
掌中幡花撲淨地臺殿印晴空勝境層層別高僧院院逢泉魚
候洗鉢老獾戲撞鐘外戶憑雲掩中厨課木舂搜泥時和麩拾
橡半添種渡壑緣槎險持燈入洞窮夾天開壁峭透石蹙波雄
澗靄清無土潭深碧有龍會田一片淨各樹萬株濃野客登臨
慣山房幽寂同寒爐樹根火夏牖竹稍風邊鄙籌賢相黔黎託

聖躬君能棄名利歲晏一相從

題九華圖

張詠

每憶眠雲處當簷列翠屏有時聊極目盡日坐忘形去此心惟
苦懸圖恨忽醒數峰秋欲活虛籟夜重聽地鎮三吳遠天連萬
古青幾人曾得道是草卽通靈仙鶴閒窺鼎龕僧暗誦經終湏
卜長往迴首謝明庭

七言絕句

過銅陵南一山高出雲上奇秀可駭余未嘗至江南遽曰
此九華也問之良是

晁補之

雲端忽露碧孱顏如髻如簪縹緲間驚駭舟中齊舉首不言知

青陽縣志

卷十

藝文志

詩

十九

是九華山

中峰

費冠卿

中峰高挂沈寥天上有茅菴與石泉晴景獵人曾望見青藍色
裏一僧禪

題五老峰下費徵君隱居

楊巨源

解向花間栽碧松門前不負老人峰已將心事隨身隱認得溪
雲第幾重

望九華二首

王十朋

九芙蓉自九天來太史南遊山未開仙境曾經謫仙眼佳名傑
句兩崔嵬

九華山下化城寺李白書堂高處開想見江山無此境故宜頭
白懶歸來

望九華

潘闓

將齊華岳猶多六若並巫山又欠三好是雨餘江上望白雲堆
裏著濃藍

金地藏塔

陳巖

八十四級山頭石五百餘年地藏墳風撼塔鈴天半語眾人都
向夢中聞

弄珠潭

陳巖

龍抱明珠出岸隈夜光草木亦昭回叮嚀莫向深潭睡恐有人

青陽縣志

卷十

藝文志

詩

二十一

從領底來

李白書堂

陳巖

蘭芷春風源地香謫仙曾卧白雲鄉山間精爽今猶在落月時
時見屋梁

清隱岩

陳巖

平生不買真清譽平日不歌招隱詩底事琢岩成大字有名還
被眾人知

七言律

重過九華山

薩天錫

馬上行人望九華飄飄佳興倚天涯排空峭石生蒼筍落日奇

峰掛赤霞仙掌三秋擎露屑銀河半夜礙星槎雲間五老應招手喚我來遊太乙家

過五溪橋

薩都刺

萬壑泉聲瀉碧溪小涼天氣過溪時相逢橋上無非客行盡江南都是詩苦雨最嫌鳩喚急看山不厭馬行遲何當高上華峰頂涼月蕭蕭生桂枝

分詠九華書院

楊少愚

樓前勝概冠山東舉目溪山面面同一帶清漪秋雨外數峰晴翠夕陽中雲歎簾捲來何許鳥傍闌飛約半空幾度臨流酒醒處此身恍若接崆峒

右溪山第一樓

青陽縣志

卷十

藝文志

詩

一一一

化城寺

翟思忠

千年古寺起蕭梁一片殘碑額大唐石照仙人修道處雲遮李白讀書堂巖前瀑布松花濕頂上平田稻粒黃我欲煙霞隣卜築故人有約到青陽

五言古

登西山

章世昭

青熒渺東華瑞靄開西嶺蹲兕歛而起飛騰勢何猛憐予山泉姿相對此真境一杖掃雲煙千山送青影

東巖燕坐示諸生

王守仁

溘風日凋薄鄒魯亡真承世儒倡臆說愚瞽相因仍晚途益淪

溺手援吾不能乘之入煙霞高立雲峰層開茅傍虎穴結屋依巖僧豈曰事高尚庶免無余憎好鳥求其侶嚶嚶林間鳴而我空谷焉得無良朋飄飄二三子春服來從行咏歌見真性逍遙無俗情各勉希聖志毋爲塵所縈

送吳寬生還九華

鄭三俊

九子峰何奇翠嶽干雲起蒼鵠摩其巔崖懸百尺水下有異人居西山吳子是秉彼清削姿幽意無所底癡絕草木親長嘯天門倚文章掃粃糠詩句流宮徵所以眼雙白誰能會心髓道久東南來蓉城有何士我欲往從之羽翼橫千里

九華山

聶古柏

江上青芙蓉遙遙隔秋浦九莖風露寒萬壑煙霞古瑤草含春芳青松立亭午安得一把茅攜家白雲鳴

滴水巖

施達

訪勝沿溪深驚魂繡層壁陰霾琬剝凝苔蘚蝕深碧礪砢勢斷斷鬼兵眾斧劈堅崿急不任錯理泐如磔百仞崖倒懸飛螢翼左揭傳聞大士巖玉立瞻倏忽翛然丈六金赤腳青蓮萐有石深仰盂涓涓承溜滴法澄不受滓楊枝水真的灑之愈沈疴清冷沁心骨

江上望九華山

宋 犖

我行訪蓮峰鼓柁凌江湍蕭晨懷勝賞欹枕未能安須臾共舟

子指顧天際看寵從羣岫出秀色良可餐嵐光殊縹緲頓令江
空寒雖未窮靈境已發心中歡如同所思友一旦相盤桓悵望
空卽過舍櫂步回灘亭午獨延伫願假高飛翰

入九華宿化城寺

吳綺

我本黃山人九華經信宿未盡九子巔一上一換目秋高天宇
澄孤磬聲滿谷忽墜龍女簫叱望仙人鹿一滌塵中襟揮手謝
拘促適逢餐霞徒清談互往復願言住此中坐臥靈泉曲夜永
對禪燈妙香媚幽獨

二士峰

陳懋達

胡然碧空外趺坐雙螺髻輕帔飄雲霓蒼顏傲霜雪大年齊古

青陽縣志

卷十

藝文志 詩

一一三

今貞性無生滅陡壁少人到偶倣康樂轍攀陟覲真身莊嚴何
殊絕飛泉珠珞懸千峰羅漢列三益願此來歸矣未忍別

過費徵君隱居

鮑蘭皋

迢迢少徵峰中有高人宅谿雲隔岫飛旁欹枕流石先生隱牆
東敗屋青苔積鶴書九天來僵卧輕束帛明發觸素懷捧檄終
何益潛身老煙蘿琴書常自適至今草堂閒松風響朝夕
七言古

九華山

賈啟

大造青陽啟靈秘芙蓉萬丈開平地大荒如水浸長生春媚秋
嬌如孟季昔年玩華亭上走無數花峰戟織手雲門曉日一輪

紅疑是凌波開笑口九華之奇萬古奇風流占斷無聲詩長笑
欲言無筆力向來李白曾留題南遷又試耽遊味山色迎人如
我慰追隨直上翠微端手捫星辰看劍氣劍氣稜稜北斗寒三
台咫尺不可攀便欲排雲叫閭闔只恐拍碎玉闌干

九華道中

王守仁

微雨仙路滑行人入輕舟桃花夾岸迷遠行迴巒疊嶂盤深幽
奇峰應接勞回首瞻之在前忽在後不道舟行轉屈曲但怪青
山亦奔走薄午雨霽雲亦開青鞵布襪無塵埃梅溪柳徑度村
落長松白石穿雲隈始攀風磴出木杪更俯懸巖聽瀑雷亂山
高頂藏平野茆屋高低自成社此中那得有人家恐是當年避
青陽縣志 卷十 藝文志 詩 二一四

秦者西巖日色漸欲下且向前林秣吾馬世途濁隘不可居吾
將此地營蘭若

洪治壬戌嘗遊九華時值陰霧竟無所覩至是正德庚辰
復往遊之風日晴朗盡得其勝喜而作歌 王守仁

昔年十日住九華雲霧終旬竟不開有如昏夜之寶藏兩目無
睹成空回每逢好事談奇勝卽思策蹇還一來頻年馳逐事兵
革出入賊壘衝風埃恐恐晝夜不遑息豈復山水能徘徊鄱湖
一戰偶然捷遠隨歸凱停江隈是時軍門頗多暇况復我馬方
虺頽舊遊諸生亦羣集遂攜童冠登崔嵬先晨霏靄尙瞋晦却
疑山意猶嫌猜肩輿一入青陽境忽然白日開西嶺長風擁簪

埽浮雲九十九峰如夢醒群巒踊躍爭獻奇兒孫俯伏摩其頂
今來始識九華面恨無詩筆爲傳影層樓疊閣寫未工千朶芙
蓉抽玉井怪哉造化亦安排天下奇山此兼併攬衣登高望八
荒雙闕下見日月光長江如帶繞山足五湖七澤皆陂塘蓬瀛
海上浮拳石舉足可到虹爲梁仙人爲我啟閭闔鸞輶鶴駕紛
翱翔從茲脫屣謝塵世飄然拂袂凌蒼蒼

九華多雨

柯暹

十日九日猿嘯雨半日不雨半飛霧萬壑溪聲來几榻使人蕭
瑟瑟秋暮秋暮雲寒古寺鐘岩深颯沓饒松風呼童煮茗從新
澗閒開書帙煙欲汎雲掩蓮菴苔冥砌那堪枯坐聞啼雁

青陽縣志

卷十

藝文志

詩

一一五

登九華

羅世寵

九華巉峯嵐千尺朝啣青冥暮凝碧拂面蓮花瓣瓣開玉屏瓊
巘森爲列環巒萬點繞吾廬坐卧其間堪漱石女几太華遜靈
區千古劉郎標名蹟銀濤雪浪抱溪流我欲從之食秀色咫尺
登臨快勝遊翠崖丹谷恣尋適拄杖捫蘿豁雙眸一望芙蓉晴
的的蒼松玉笋參明霞甯問巍峰與峭壁直上東崖勢峻嶒耳
畔天風生兩腋念予老矣詩酒儔每懷笑傲凌滄洲點次山靈
無彩筆祇應長逐白雲秋

仰止亭

石簡

九華峰頭雲滿空九華峰下水成龍山空幽鳥作人語哀猿午

夜啼秋風使君早分勾漏竹松陰團團籠太淥黃鵠不返空白
雲坐對煙嵐思往躅九華之勝不可言中有一峰高接天雞鳴
日觀盡培塿請君立馬茲山巔

天臺峰

吳光裕

九華最高天臺峰峰如挂青茆龍雲氣蒼茫蔽朝暮眞宰出
入陰重重我生其下三十載夢寐趨之鬢毛改前年結束約躋
攀塵勞阻隔仍相待此日攜朋一往遊長天恰值秋風秋徑草
離離半枯死木橋倒挂沿溪流一里三休不得達左拽丹梯右
援葛巨石斜飛當路橫手趾錯接兩蹙蹙仰面上視青天低頰
身下瞰紅塵迷渺渺汪洋一衣帶林巒萬籟何淒淒我欲狂歌

青陽縣志

卷十

藝文志

詩

二六

問天帝數聲青嘯煙霞契蒼松偃偃舞虬鬚青黛濛濛點螺髻
屏風疊障陰晴殊大峰出雲小峰翳努力直上中頂看飄飄自
絕閭浮世峰頭老僧向我揖破衲無緣戴臺笠溪毛作羹相共
餐石泉煮茗手自汲人間那得似僧閒跌坐悠悠日閉關清磬
名香修竹裏勸君且住不須還

七言律詩

妙音寺壁題九華

王守仁

盡日巖頭坐落花不知何處是吾家靜聽谷鳥遷喬木閒看林
峰散十衙翠壁泉聲穿亂石碧潭雲影透晴沙癡兒公事眞難
了湏信吾生自有涯

輓孝子劉長伯

賈繼春

孤臣補袞逆龍鱗令子陳情顙紫宸朝野共傳求代疏應寰先
失謫仙人神遊豈瞑瞻雲日天鑒應垂捧日身不必臨風多哽
咽千秋生氣燭蒼旻

登九華山

王一楨

路入山盤乍杳冥丹梯衣染露華馨雲迷螺髻巖前碧天在芙
蓉頂上青沙飯當年來佛子石床隨處結仙靈飛昇晏坐非吾
事會効鵬飛更築亭

九華文成祠贈方本菴

施達

仙舟何幸渡江煙雅望從知斗極邊發興雲山聊寄適狎盟儒

青陽縣志

卷十

藝文志

詩

二七

素盡推先禮文自昔尊三百道德於今富五千不淺譚經應有
契交情底說託忘年

飲雙柑園

何煜

千里歸來朋好疎忻逢攜手入郊居故園重闢蓬蒿徑野服仍
縫薜荔裾鄰叟隔牆遺濁酒樵青掃葉爨枯魚停杯共嘯雙河
月風景依然是古初

春霽偕徐其旋雙柑園看梅對酌酒樓限東字

甯峒

朝暎轉暖豔長空乘興招尋竹一叢老樹雲寒何遜宅
雙柑鳥語戴顓風村深眺處橋由北日落歸途郊自東共惜素

何寤明
故居

交難邂逅也須解杖醉新豐

遊九華

包廣

山經雨過雲猶濕人到春深路擁花上界樓臺倚星漢下方雞
犬隔煙霞仙鐺氣味冷芝耳僧碗芳香點茗芽他日重遊今有
約蓮峰咫尺豈天涯

江上望九華

王守仁

當年一上化城峰十日高眠雷雨中霽色曉開千嶂雪濤聲夜
渡九江風此時隔水看圖畫幾歲緣雲住桂叢却負洞仙蓬島
約玉函丹訣在崆峒

宿化城寺

王守仁

青陽縣志

卷十

藝文志

詩

二八

化城高住萬山深樓閣憑空上界侵天外新秋度涼月人間淋
雨結浮陰鉢龍降處雲生座巖虎歸時風滿林最愛山僧能好
事夜堂燈火伴孤吟

雲裏軒窗半上鈎望中千里見江流高林日出三更曉幽谷風
多六月秋仙骨自懷何日化塵緣翻覺此生浮夜深忽起蓬萊
興飛上青天十二樓

重遊

王守仁

山寺重過十八秋舊僧零落老比丘簷松盡長青冥幹瀑水還
懸翠碧流人住層厓嫌洞淺鳥鳴春澗覺山幽年來別有閒尋
意不似當時孟浪遊

九華原亦是移文錯怪山頭日日雲乘興未甘迴俗駕初心終不愧靈君紫芝香暖春堪茹青竹泉高晚更分幽夢已無塵土累清猿正好月中聞

舊識仙源路未差也從谷口問桃花屢攀絕巘經殘雪幾度春溪踏月華虎穴相鄰多夢境鳥飛不到有仙家頻來不下山翁榻只借峰頭一片霞

將家入天柱峰作

施達

飄零一覆舊田廬贏得青山可寄逋妻有勝情饒領略家無長物足脚躑鸚裘自典曾歸蜀短褐難完已去吳行李肩輿天柱吹祇疑拔宅到蓬壺

青陽縣志

卷十

藝文志

詩

二一九

答施下之攜家入天柱

吳光裕

東西山嶺與君分寄老移家迴出群同去孟光堪舉按歸休元亮未能文夜深但課兒攻月門靜惟餘犬吠雲從此世情真勅斷齋心蚤晚薦溪芹

秋日遊九華山

李宗泗

芙蓉九朶照簾鉤雨洗煙飄翠欲流鶴借水雲三頃暖鳥分花竹半窗秋小亭茶瀉松風細香徑杯停菊露浮十二闌干人倚玉一天詩思壓南樓

遊九華

胡纘宗

只聞三島人間絕不見九華天下奇王維一幅江邊畫李白千

年石上詩大嶂小嶂子依母上峰下峰花出枝蓮子荷花一色
碧茫茫滄海眞爲池

過九華有作

張佳允

倚杖驚看紫氣重謫仙人號九華峰中天玉樹參差出萬壑朱
霞次第封地壓長江標砥障雲開並蒂湧芙蓉平生自負蓮花
掌過此休談五嶽蹤

題聽泉亭

陳芳

流泉引我深雲去流曲不知去路高麥隴雉分山脊浪松林人
聽樹頭濤披榛覓勝名多創拄杖留題興自豪從此巨靈胥獻
秀楚南新得柳儀曹

青陽縣志

卷十

藝文志

詩

三十一

登九華

劉景清

捫葛攀藤石磴長白雲時復卧山傍花欹繡嶂晴霞豔月映幽
巒晚霽涼九朶芙蓉疑錦綴百屏翡翠帶新妝禪關息久塵緣
淡細問青蓮綠草堂

九華山

方學聖

多年夢想九華遊極目今纔到上頭曙早山高常少夜雲深春
盡似新秋道從僻洞幽人訪字向殘碑遠代搜指點丹沙何易
煉古來天地一浮漚

詠九華伏龍潭

佟世思

傾洞泉飛雪滿灣鉢龍潛出野雲閒聽收雷電九峰下坐愛煙

霞一水間天影爭懸林杪月鏡光分浸畫中山澄潭靈秘探無厭須信遊人不欲還

登望華亭和陽明先生韻

顧元鏡

簾捲溪雲上玉鉤泉聲和雨入溪流山山瀑布頻驚雪樹樹松篁並耐秋洞口煙霞閒吐納沙邊鷗鷺任沉浮停驂且盡今朝興更上前溪百尺樓

侍甘泉湛公遊

章允賢

曾共湖西泛夜船又從蕭寺望甘泉源頭活處春常在遊屐忙時節更全山色靜涵千樹曉水聲清奏一琴絃看山欲說山中趣總在光風霽月邊

青陽縣志

卷十

藝文志

詩

三一

登芙蓉閣

方新

仙閣飛騰一徑盤憑虛直上五雲端光搖曉日芙蓉麗色映秋空碧玉寒倚劍孤吟鳴澗壑拂衣長嘯落鳶鸞青蓮底事多豪興好向峰頭領大觀

五言律

遊化城寺

王守仁

化城天上寺石磴入星纏雲外開丹井峰頭種石田月明猿聽偈風靜鶴參禪今日揩雙眼幽懷二十年

太白祠堂

王守仁

千古人豪去空山尚有期竹深荒舊徑薜合失殘碑雲雨羅文

藻溪泉繫夢思老僧殊未解猶是索題詩

觀九華龍潭

王守仁

飛流三百丈瀕洞秘靈湫峽折開雷斧天虛下月鈎化形時試
鉢吐氣或成樓吾欲鞭龍起爲霖遍九州

金沙泉

王守仁

黃金不布地傾汁瀉流泉潭淨長開鏡池分或鑄蓮興雲爲大
雨濟世作豐年縱有貪夫過清風自肅然

登蓮花絕頂書贈章汝愚

王守仁

靈峭九十九此峰應最高巖棲半夜日地隱九江濤天礙烏紗
帽霞生紫綺袍翩翩雲外侶吾亦爾同曹

青陽縣志

卷十

藝文志

詩

三二一

九華漫興

童承敘

香岫雲門裏藤蘿徑轉餘塔藏金舍利寺倚石蓮花拄杖臨蒼
蘚梵香臥絳霞塵緣如可息山下欲移家

登九華

石金

足跡憑雙屐溪山恣勝遊翫華紅日近望氣紫雲浮恠石緣崖
出龍池絕頂流倚空長劍外萬里碧桃秋

望九華

陳良器

朝來發五松暮見九華峰長地雲屏秀凌雲紫翠濃晴巖開薜
荔涼雨洗芙蓉便欲尋雙屐山靈莫負儂

遊九華

汪珊

峭壁削寒玉奇觀數九華龍湫晴浴雪獅阜晚明霞境絕鳥欲墮岩空樹未花偶陪參大乘莫謾詫胡麻

遊九華懷李白

柯相

白也風流遠冥搜入九華龍湫晴浴雪獅阜晚明霞禪榻清分茗吟亭笑問花登登山屐瘦嚮往藉蓬麻

九華簡僧恒齋

曹采

最喜高臨共遊觀古洞邊青空疑得月碧遠欲含天斷石將雲補飛崖引瀑懸行僧詩思好新句覓人傳

九華山青蓮祠

劉允昌

九錫重茲山高風代幾還留名甯有意訪道亦多艱尤物魂應

青陽縣志

卷十

藝文志

詩

三三

戀荒祠僧不關春秋一杯酒像想醉開顏

送洪仲韋遊九華

胡宗仁

曾經五溪過貪看九華奇君向千峰去行扶筇竹枝雲苔秋壑遠雪嶠夜鐘遲處處堪留滯還時未可期

望九華

徐石麒

勝拔千山儁名因太白傳連空來秀色接地倒蒼煙嶺碧搖江練峰寒湧石蓮何時蕉夢醒日晏此高眠

偕賈崑璞明府暨陳孝廉王文學同登九華

何朝宗

九子開屏嶂蓮花滿法臺流霞飛紫去疊巘送青來僧定鳥親

榻坪空鹿卧苔玩遊攜契友把酒漫徘徊

登九華

李達

峰迴如列戟山半帶飛泉鳥伺巖間竹僧耕石上田草香分藥
氣松露裊晴煙遙望青尖裏無人却住山

分妙音寺地造僧館

蘇萬民

分盡般羅地翻成講易場曇花窺几榻圓月傍宮牆闢徑絕空
寂推窗放慧光院邊除隙圃丹桂種千行

王季文書堂

柯崧

祇樹何年閣茶蘼此度花看山攢玉笋酌水聚金沙勾邑真人
宅唐朝處士家雲霞護金碧瞻眺夕陽斜

青陽縣志

卷十

藝文志

詩

三四

江上望九華

陳焯

未愜登臨興長餘望後思蓮開西嶽掌翠擁雪山眉瞰浪收三
楚躔星配九疑流霞餐片片會有鹿門期

九華僧院

申槎

尋山過竹院習靜倚繩床漏轉蓮花水爐添柏子香風林喧宿
鳥露井咽鳴蛩夜半聞空籟鐘聲在上方

遊浮桃澗

吳大來

不知路遠近但聽水潺湲採藥人歸去鋤花僧倦眠懸崖千尺
蔓古樹一聲鶉嶺寺鳴清磬悠然落暮煙

大壁菴

蘇萬民

歸雲堆洞口落日繫峰頭石疊溪尤峻猿啼山亦幽孤菴新火發比舍淡煙浮列席開佳醕平遵繼款留

登九華次無相寺

王世祿

白毫光乍起梵宇廠玲瓏錫卓鳴千壑燈傳曜二峰曇雲邨卽色佛日轉無空石滑愁難上扶筇破蘚封

五言排律

化城寺

殷邁

窈窕探靈谷岩巖入化城溪橋蒼蘚合樓閣暮煙平古塔松杉影流泉石澗聲僧經傳夜磬鳥語促春耕深洞留遺跡奇峰類削成翠屏雲外出石照鏡中明對此凡情盡因之道氣清何當

青陽縣志

卷十

藝文志

詩

二二五

脫塵鞅此地學無生

登九華次前守胡公韻

顧元鏡

一宿三天境疑登九品臺連甍開法座倚漢集如來丹碧供圖畫芙蓉雜蘚苔斷雲間護蓋空翠滴盈檐鳥解觀心諦溪攬濯足懷鐘聲天半隱幢影日邊排梵語通三昧宗風蕩積霾客來將蕨筍僧定掩荆柴錫卓無塵徑燈燃絕頂崖偶淹居士駕空羨謫仙才安得九節杖滄霞去復迴

七言排律

登九華卽事留別

聶茂先

雪後登臨眼倍明驚看飛錫下山迎叢林舊隱僧爲佛勝地今

餘石作城無數好峰如拱立有時靈鳥自相鳴神松晝落風前
子仙茗春生雨後萌幽草長隨人意綠閒雲不礙馬蹄輕攀崖
上禮新羅塔翦棘幽尋太白銘玉鉢喜餐黃粒飯木盂更薦碧
芹羹也知物外纖塵淨應教人間百慮清綠酒來從陶令漉白
頭還就遠公盟他時遲暮來相卽爲借龍湫一濯纓

五言絕

地藏塔

王守仁

渡海離鄉國辭榮就苦空結茅雙樹底成塔萬花中

九華雜言十首

王守仁

老僧簷下屋繞屋栽松竹朝聽春鳥鳴夜伴巖虎宿

青陽縣志

卷十

藝文志

詩

二二六

巖下萬重雲洞口桃千樹終歲無人來惟許老僧住
長風掃浮雲天開翠岫重玉鈎挂新月露出青芙蓉
青山意不盡更向月中看明日歸塵市風塵又馬鞍
靜夜聞淋雨山靈似欲留只愁梯石滑不得到峰頭
坐望九華碧浮雲生晚寒山靈應秘惜不許俗人看
蒼峰抱層嶂翠瀑繞雙溪下有幽人居蘿深客到迷
凌崖望雙峰蒼茫竟何在載拜西北風爲我掃浮靄
靈峭九萬丈參差生曉寒仙人招我去揮手青霞端
雲間出孤月秋色坐蒼濤夜入羣籟絕獨照宮錦袍

詠九華

董其昌

嵐深山影寒樵響不知處綠樹早鶯啼千峰一家住

九華

嚴御風

白雲無時無山面不全有借問住山人曾見山身否

九華山曉望

程世昌

夢寐九華山十年懷眷戀時從江上行曉見愧顏面

七言絕句

大通見九華

陶安

誰道山如九朶蓮萬峰飛舞上青天惜無羽翼乘風去分取丹池一勺泉

池口望九華

解縉

青陽縣志

卷十

藝文志

詩

三七

日日南風送客舟舒州纔過又池州九華雲捲芙蓉帳挂在青天白玉鈎

將入九華

湛若水

九華翠色入雲齊一角青天為爾低即欲撥雲問天路雲深天路恐無蹊

次日擬登山雪偶霽

劉淮

詩人得得為山來阻雨空吟御史臺一夜雪深春忽霽青天半面白蓮開

九華

湯顯祖

滴翠峰前天柱高雲門清蘿發仙瑛不知海上金輪月夜夜神

光起白毫

江上望九華

鄭三俊

黛鬟一抹晚煙迷幾回江上想幽奇石橋更有天臺路却笑青蓮浪品題

九華

吳世閱

九十九峰不滿百女媧何處補芙蓉昂藏自擬山爲骨我在丹崖一百峰

五言古

暮春早行入九華

徐文烜

險勢欹行步亭午深谷熱微風飄素衣敝履穿欲折躡躑屨空

青陽縣志

卷十

藝文志

詩

三三八

曲石泉聲幽咽猿飲挂枯蘿蝶戲隱叢蘖牢落古寺僧湫深蟄龍穴春光潤翠竹青青笋可啜峰瘦煙能肥升降面披閱蒼茫萬壑靜嘯吟孤興絕猛吼虎鬪疾戢翼鶴立子耽奇塵跡屏冥搜天機徹明月入茅堂獨立淨冰雪

登九華

金佐

茲山何巉岉琢削謝斤斧茫茫九點煙日月共吞吐遠望如芙蓉齒齒自千古攀援陟其巔去天尺有五飄然凌紫虛身在神仙府放眼天地空眾山盡偃俯天氣木末來恍覺虬龍舞足底躡白雲衣上濕花雨日落境逾清禪房發鐘鼓萬年此俱寂頓令輕軒組

乾隆二年丁巳四月自江甯會讞還皖道過青陽登九華
遊東巖之天臺信宿僧寺得二十韻

劉柏

周覽江上山九華更縹緲尖峰露奇秀懸崖復天矯去年過五
溪未能悉幽討倉翠在空濛悠然映清沼今歲重行役秋興已
粗了式敬盟此心山靈堪默禱仰觀四字清肩輿尋窈窕濤聲
漱青松雲影入翠篠曲折經古寺眼底塵埃埽禪關頗寂靜佳
境易昏曉更上東巖東眾山培塿小搜茲煙霞窟疑是神仙島
結茅凌清虛天臺出雲表飛雪掛流泉俯仰澄懷抱翼然天籟
軒吳君題句好淡淡一塢雲寂寂千林鳥深山如太古淨土生
瑤草昔望不可卽蓮花仍杳杳攬勝歷層巔奇觀相與繞始知
青陽縣志

卷十

藝文志

詩

二二九

深妙處未可憑遠眺

杜荀鶴書堂

鮑蘭皋

猿聲下霜林谿光滿幽壑風迴藥苗香雨餘花片落避喧絕鼓
聲聽泉欣有託雲端唱歸樵松頭樓老鶴緬懷讀書堂結茅倚
山郭

九日登天臺山

吳兆雲

霜清萬木脫崑壑無潛形一徑蹋秋去金風響冷冷策杖探幽
仄陟險升青冥忽如凌空虛雲際摘天星煙霧襲襟帶芙蓉列
翠屏千峰皆俯立一水長淵渟下矚閔源溪傾瀉奔雷霆高僧
選勝居十載挹遙青風花常滿戶鳥跡篆空庭我來值九日攜

我步雲亭雲亭致蕭瑟隳葉如流萍龍山跡云晦峴首涕空零
願言傾濁酒沉醉千銀餅一唱臥龍起作雨洗滄溟

九子西閣

徐念祖

尋幽歷禪室俯視環嶙峋虛閣延層靄陰壑歛芳榛鳥呼泉聲
亂靜聽各還真鏗然晚鐘出殿角風暗巡明月空潭影照我清
心神哀猿叫清夜百感遙無垠

雪霽江上望九華

喻成龍

暮江擁寒浪清旦林表霽冰翼映幽靈蒼茫坐迢遞念昔登茲
峰倏焉已隔歲況經暄和時懷人風景麗會當栖巖壑投簪勿
云滯

青陽縣志

卷十

藝文志

詩

四十

偕友遊天臺

何飛鵬

獨坐岩上樓東望天臺路窈曲入青冥斷續橫蒼霧擬當霜落
時相將命杖履乃有箇中人誘我幽遐趣得遊遊莫辭欣然從
之去鑿石渡危梯攀躋敢回顧飛泉漱雲根空谷學人語冷翠
滴松梢六月不知暑何當御風行更進竿頭步

七言古

九華山太白書堂

鄭濂

江上名山傳九子九華名自青蓮始亂擘靈根插遠天蒼葱直
到層霄裏洪濛煙扶玉琉璃日月雙丸照紫泥銀浦波瀾洗秋
壑神工斤斧琢春梯太白書堂凌巖嶠龍女池邊聞嚮屨垂簾

深閉洞庭雲開襟獨坐峩嶠雪處士巖高近少微花窗石老碧
桃肥釀成百葉霞初熟賦就千山鶴未歸酒聖長庚筇八尺圖
懸海嶽閒披繹迸落星辰滿毳衣驚飛風雨泉聲急却憶當年
蜀道難鷓鴣啼處子規灣祇今濯錦城邊水猶向峰頭夜夜看

太白書堂

吳介

巖懸泉激石巖窅書堂突兀青芙蓉短碑剝落青蓮字陰雲飛
起當門松丹書晴攤天柱日瑤琴響蒼東崖鐘吁嗟先生天下
士萍蓬飄泊無停蹤五字劈開靈山面風吹瀑布瀉心胸仰首
長庚一問訛賦詩飲酒今何峰

游九華同金華虞使君

吳襄

青陽縣志

卷十

藝文志

詩

四一

造物好奇不肯住蓮花飛入青天去千枝萬朶翠欲流碧霞罩
起銀河注探奇客自金華來一筇兩屐相追陪袖中雲氣自出
沒腳底峰勢爭崔嵬忽然松風座中起幽泉細滴冰崖裏一絃
一絃空山鳴誰其鼓之僧齊已胸中崖壑當筵飛東峰霞舉烘
朝暉青鞋布襪出門去千仞東巖一振衣飛樓面面開窗牖鬚
眉突出煙波叟謂張南村來消清夏注名山九峰拈出風雷手老僧
指說東崖東丹崖雲峽跨秋虹栖息其中者誰子青鸞蒼鹿黃
眉翁座客聞之清興發蹇裳欲探蓬萊窟游人聚散會有期此
山靈氣終突兀吁嗟乎君家名勝在金華峰峰遙挂赤城霞丈
夫裹糧走五嶽天台咫尺非天涯隨君東去問劉阮桃源曾否

見仙家高登華頂望九子青天細數青蓮花

登九華山十六韻

宗觀

西洪峪口朝霞紫層矗蓮花靚面起一橋一嶺絡一溪溪盡嶺
橫出江水山形狡獪學人獸變怪百狀無因倚千疊萬疊鬱詰
屈噴薄忽放爭流矢寺門稻熟穰稷紅洞口泉趨碎訇駛咄哉
真宰闢鴻濛九龍化石神丁徙延袤周迴內外峰除却支山二
百里仙靈窟宅寄青冥高踪脫略遺糠粃閱梁唐宋亦片時龍
卧豹藏那細數長江直瀉海門東勢凌姑宛去誰砥突排天仗
阨當關俯壓蛟蜃界南紀卽此功輔造化多匡廬衡霍肩應比
結根不得要路津有似荒陬沉奇士巢許掉頭避陶唐九華晦
青陽縣志

卷十

藝文志

詩

四二

跡江之涘但遇眼高四海人

用蘇端明語

古今一笑真知己吁嗟乎

山有靈兮山洗耳莫傲秦封與漢峙

九華山遊歸以紀勝歌

梅庚

蓮花千仞開古鄣芙蓉九朶搖青陽名山兩地常相望天風吹
我同翱翔前年笑就容成宿塵垢一洗硃砂湯從此濁體生羽
翰便欲振衣凌八荒茲遊奇絕得意外誰歟從者袁與張九十
九峰森拱峙一峰高窺金地藏珠宮玉瑩禮仙蛻中天晦靄流
金光袈裟古繡識番錦經函龍藏生天香何年隻履徑東渡黑
子一點新羅航偶拾危級陟霄嶠喜無雪霰蒙青蒼一髮江流
界南紀終古神州接混茫建安詞人氣堂堂空山攝祭羅酒漿

巍祠何緣占初地隴西之李餘姚王文章道德本一致千秋巖
嵒垂精鉅天臺引領隔天半東崖雲構何輝煌騰身晏坐惜片
石向來林壑空蒼涼左撫匡廬右黃海九子峰頭此勝場

九華山太白書堂

陳虞裔

九華秀絕當雲霄芙蓉瘦削空岩巖林巒突兀駐朝旭煙靄蒼
茫生暮潮太白堂前芳草綠漱玉垂珠碧階簇蛾眉螺髻盡窺
顏五老七賢時捧足振衣千仞翠微邊彩筆光搖雪色箋字挾
龍雷墮危石吟成風雨飛潺湲綺霞路入長虹渡六六峰頭散
香霧手臂青蓮第一枝插向天臺最高處錦軸牙籤笑敝襦獨
攜圓月問璇樞飲甘花露春方靜思遶秦川秋未徂試展軒轅

青陽縣志

卷十

藝文志

詩

四三

千尺鏡銀河星冷泉聲定騰陵今古亦何爲大水大山吾作證

自青陽復過望華亭

張士範

昨宿望華亭未覩九華面肩輿復匆匆流光如掣電當境不及
探境過乃成戀九朶芙蓉萬壑深登臨不到幾沉吟何當直上
東崖宿海月天風夜鼓琴

九華山太白書堂

董三表

芙蓉高插欲浮天朶朶爭開玉笋鮮巉巖翠滴三春雨老樹寒
生六月煙風吼怒濤龍出窟雲拖橫帶虎踞巔山爲古今劈幽
境中有詩人愁盤旋盤旋惟愛山水秀誅茅結屋傍流泉有時
讀書破岑寂有時呼酒任留連有時登峰寄長嘯有時醉月忘

遲眠文章悉從大塊得豈肯作賦倚朱筵痛飲狂歌樂邱壑一
代名應九子傳

七言律

九華山中寄顏澹叟太尊

施閏章

人因訪舊來秋浦天遣尋幽入九華迴合松杉清磬遠峻嶒宮
闕白雲斜吞江西嶺橫飛練射日東巖倒作霞遙憶使君驅五
馬何時乘興問山家

和孔文麀學博九華遇雨并送歸采江

孫睿

芙蓉綠水瀉層斑不爲遊人一放顏高鳥影微煙障裏疎鐘響
細竹聲間柳含密霧逾知嫩雲砌空林只覺頑收拾奚囊多少

青陽縣志

卷十

藝文志

詩

四四

意歸舟還向秣陵山

江上望九華

陳如升

江行面面對清暉影入遙天勢欲飛破霧獨青肥亦瘦穿雲能
白是耶非摩空一磴分晴雨落日層巒吐翠緋幾次停橈思覽
勝尙羈塵足與心違

化城寺

鄭濂

半指驚雷海一漚曇枝香寫妙金樓獅吟鐵磬潮生夜虎伏煙
鐘月抱秋京洛羅浮新入畫捷地波什舊停輶雙丸跳擲爲車
馬禪喜風流到十洲

望九華

周濩

山從東曠亭邊望眼裏遊經六七年愜意未殊劉夢得栽詩終
怯李青蓮清澆楊子江頭水秀濯芙蓉頂上天妬殺白雲閒不
去往還九十九峰巔

十一月十一日雪霽後遊九華晚宿定慧菴玩月次日登

東巖陰霧無所見步陽明先生韻 趙國麟

雪霽天晶一徑深肩輿嵐氣布袍侵千松戴雪立峰頂萬竹拖
冰臥壑陰梵唄定中朝海嶠笙簫天畔響雲林晚來喜寓僧寮
靜夜半嶠茶佐苦吟

登玩華亭次王文成公韻四首之二 劉柏

登高攬勝覺春深草向瑤階綠意侵翠嶺映溪皆入畫甘棠有

青陽縣志 卷十 藝文志 詩 四五

樹盡成陰繁花何敢爭松色傲節還宜近竹林留取文成詩句
好山行處處咏清吟

遙山屏嶂拂簾鉤樹影參天翠欲流幾處葱蘢橫一色莫嫌蕭
瑟到三秋蒼鷹健擊翻翻下白鷺閒眠點點浮數朶蓮花晴擁
出試看今古對岑樓

靜觀物理閒憑檻但拂春風盡着花白屋辛勤耕綠水青天高
迥淨朱霞喬松如蓋生芝秀細草堪鋤護稻芽不奪農時皆

帝德深山到處樂無涯

雨後九華歸 吳襄

鶴背翩然別翠微葛衣芒履送人歸巖消宿霧青如染瀑鬪斜

風雪亂飛僧餉雨前園茗綠樵來雲外土芝肥違山十里柴門
近流水孤村樹一圍

閩重陽登天臺

李暉

踏盡丹梯千仞來插雲翠蓋失崔嵬直凌碧漢天疑近恰值黃
花節復回雲外風高頻落帽霞中仙降更傾杯茲晨不是年年
有儘對蓮峰笑口開

庚子登望華閣和壁間陽明先生韻

閔鶚元

煙樹微茫月一鉤晨光欲上碧雲流臨溪傑閣涵空翠入座涼
風似好秋媿乏經綸虛報稱肯教身世共沉浮前賢芳躅遺篇
在卓爾人高百尺樓

青陽縣志

卷十

藝文志 詩

四六

生來骨格冷於秋髣髴空山一比邨不慣因人來作熱可堪立
腳怕隨流

主恩

清遊

戊子校士過池陽太守馬西齋招遊九華登玩華亭讀壁

間王陽明先生詩依韻成

魏學誠

溪山勝處靜緣深那計絲從鬢裏侵洗盡塵埃生法雨將勞應
接比山陰百年底事餘雙眼半世愚心愛一林朗誦遺詩三兩
遍猛驚潭下老龍吟

雨中由郡城抵青陽

張士範

細雨濛濛出郭時四山一望影迷離村煙隔樹當空上潮水臨
風匝地吹驛外人家遙錯落眼前麩麥盡榮滋秋成預卜豐年
喜遮莫鞭絲信馬遲

讀書九華山

章道鴻

江上芙蓉九朶青名山招我瀾心靈窗開遠靄含書几簾卷層
嵐作畫屏白雪澗中堪洗硯碧雲寺裏好談經此身喜向天臺
上瞻望時依捧日亭

宿五溪望華亭

章道鴻

勒馬方題石墨山高亭又許我躋攀五溪水繞疎煙外九朶蓮
開積翠間天列畫屏供嘯詠人經驛絡戀幽閑今宵合在仙家

青陽縣志

卷十

藝文志

詩

四七

宿獨步層梯叩響關

冬日次白鶴山見古木

陳鳴岡

雙雙古木影槎枒厯亂朝昏噪冷鴉凋盡瓊柯朔風勁橫餘山
寺夕陽斜冰霜凜冽凝寒氣天地崢嶸鬪歲華獨有華雲松柏
翠鶴巢深處綴煙霞

登玉屏峰

陳其位

黃金鋪地玉爲屏萬丈高撐捧日亭石磴煙霞縈鳥道天橋簫
鼓度雲輶遠吞江影胸中碧俯視山光眼底青寄語謫仙沉醉
後曾將佳句問蒼冥

登天臺峰

陳其名

芙蓉絕頂是天臺一綫危梯度得來十五里鐘衝月上兩三家
寺傍雲開洞因多曲煩僧引峰不知名任意猜到此方能寬眼
界人間端的有蓬萊

三溪口

陳翰

百道雲泉下石磯三溪還併一溪歸落英芳草通仙境曲檻橫
橋鎖翠微夾岸碧沉山到影滿川紅樣日斜暉何時得似垂綸
客坐釣春潭學息機

雙溪印月

王思修

雙溪片月湧寒城月色溪光夜氣清新水遠涵金鏡徹長橋斜
度彩虹橫綠楊堤上疎燈影白鶴臺前暮鼓聲宛轉千潭相印

青陽縣志

卷十

藝文志

詩

四八

處正乘畫舸到仙瀛

夏夜登倚天坐

吳光燾

夜半登凌四望空清光斜照影臃腫隔岡有樹疑無樹近洞無
風却有風身寄桐阿雲漢表涼生松頂月光中石舟雲浪愁將
去爲訪漁翁學轉篷

賦得李白書堂鎖暮雲

何飛鵬

九朶芙蓉弄紫煙東峰竹色冷龍泉何湏劍術干知己好著丹
經問列仙白鹿借將遊園苑青雲留取照芸編謾言相望不相
見酒在長安月在天

九華月夜有懷次王陽明先生韻

何飛鵬

月上芙蓉露半鈎輝光遙映大江流誰知山靜還宜夜始覺峰
寒渾是秋冥坐岩前松子落浩歌雲外墨花浮到來仰止情何

極逸興遐飛百尺樓

高山仰止陽明祠前額
陽明詩峰月上寒空

五言律

望九華山

金垣生

晴巒欣在望馳想入雲林萬壑飛流出千峰積翠深塵勞徒鞅
掌勝事阻登臨待陟三天路花宮聽梵音

登天臺

吳晉

一入天臺路羣峰最上頭雲從足下起江向日邊流地勢雄吳
楚星躔接斗牛諸天花雨寂九夏自成秋

青陽縣志

卷十

藝文志

詩

四九

東巖坐月

夏慶

一片天空月清光萬壑浮微分煙外樹先到水邊樓露冷嫌驚
鶴山寒耐養秋芙蓉如可摘更上數峰頭

東巖有感

吳襄

松石鬬嶙峋奇山逢故人往來天際路吟嘯夢中身三月雪猶
凍一巖花不春泉聲雲外落洗盡十年塵

塔殿

甯占咸

殿敞千峰上亭盈一塔孤朝暍日月鏡水洗圭圖燈影留今
古方舟夢有無天風吹夜半清梵落璇樞

化城寺

李開先

日軸開靈域風輪轉法華絕塵通月路高掌出蓮花雙樹傳經地三乾選佛家祇疑天竺寺移送海雲槎

春日九子山

徐純修

名山多隱秀草木照春暉路曲雲峰峻溪深啼鳥稀巖花明澗鉢石竹蔭松扉薄暮疎鐘動安禪願息機

登天臺

錢又選

天臺南直上九十九峰間放眼心無相扶筇步欲難石梯雲折斷松澗水飛還眾寺山山裏高僧靜掩關

題雲波書院

孫欽

小築劉冲圃衡矛矢勿諼松雲開曉鑰雞犬辨仙源池草閒生

青陽縣志

卷十

藝文志

詩

五十

夢山禽雅作言著書齊太上不更說窺園

松木橋

羅應鵬

峽石碗蜒入行行松木橋怒泉衝石骨微日截山腰怪鳥如人語斜峰似手招欲尋瑤草去倚樹問巖樵

過九華訪山亭舊趾有感

江元嵩

此去多奇勝訪山名故傳碑題仍舊額亭廢莫知年滿地餘荒草孤村鄣野煙空留遺趾在冷落夕陽邊

天臺雨霽

柯友桂

芙蓉遭雨後面面作酡顏客去林歸鳥月來詩滿山數峰松影外一榻磬聲間採藥人何處高風我欲攀

東巖憶友

錢之選

東巖撐半壁高處結岑樓霧浸晴猶雨風鳴夏亦秋寒松虬短
髮怪石泛扁舟獨坐堆雲洞無人與共遊

九華紀遊集唐

葉爾亨

列巖重疊翠波駭弄珠臯沓嶂開天小懸崖直屋牢煙霞向海
島洞戶枕波濤水到無爲岸香臺接漢高

登東巖

吳國鐸

雨霽臨初地龍泉磴道斜樓高青靄入洞古白雲遮蘿掛幽巖
畫蓮開絕巘花倏然清氣襲僧獻閔源茶

天臺

孫之綽

青陽縣志

卷十

藝文志

詩

五一

探奇不到此幾負九芙蓉煙壑晴遙雨風林夏亦冬藤花封古
樹石氣動危峰分得孤僧榻龍鱗枕畔松

延華觀曉起

吳應權

曙氣逼林薄幽窗已半通瀑飛崖上雪鐘落寺門風花吐巖舒
色煙歸山頓空踞嶺頻遠望身世有無中

九華雨霽

趙嗣晉

一雨秋如洗千峰挂斷虹瀑飛喧蝮竦雲淨長芙蓉影送清江
上人歸碧落中夕陽茅店外應見柳尖紅

東巖

王安夫

不藉土爲肌千尋挺奇骨松根插層崖雲氣遊洞窟面面臨空

虛峰峰收秀越仙都端在斯從今謝溟渤

往延華觀途中雜咏二首

吳名琅

曉霽層巒出風開萬壑分猿啼雙澗月人踏一溪雲
茆屋依崑構山田帶石耘憑高雙屐倦隨意坐天垠

其二

徑窄雲常滿遊人藉短筇曙鐘飄別塢初日澹遙峰
澗曲泉流細巖高竹影重羣仙如可會拍手一相從

金光洞

陳懋達

卓錫歸何處金光古洞幽厓存千歲柏瀑落萬年秋
細雨松濤碎微風竹韻柔老僧無所住時共白雲遊

青陽縣志

卷十

藝文志

詩

五二

插霄峰

黃江起

積氣根元化孤峰入沈瀟都疑無附土却訝在層霄
雲轉迴義馭風鳴奏洞簫杳然仙界上放眼俯塵囂

早發臨城

章道濟

斜月挂芙蓉春城早發鐘名山迴首望曙色暫時逢
野店梅含蕊閒亭鶴寄蹤山僧問歸宿秋浦暮煙重

登九華山

陳芳

地據長江勝名傳太白詩曉雲聯嶂合夜月度林遲
瀑自銀河落峰從鷲嶺移老僧惟晏坐巖土足療饑

望九華

范叔

面面排青翠峰峰上碧霄故知沙徑軟一任馬蹄遙雲氣飛晴
雨松聲響暮潮會當天半坐涼月桂花飄

慈仁寺有宋紹興年古鐘

章世昭

廢刹已無跡靈鐘賴有傳開基先世事遺字宋皇年呵護還神
力升沉豈釋緣因之想卓錫寂寞暮鐘煙

東崖玩月懷吳有容

徐元勳

一片東崖月扶筇共往還只緣三尺組拋却九華山民社勞循
吏煙霞屬老頑轉愁同貢禹未許傲清閑

五溪行館

鄂爾泰

流水空山裏斜陽高閣隈白雲別我去翠嶂插天來溪鳥喧逾

青陽縣志

卷十

藝文志

詩

五三二

靜岩花落更開青蓮讀書處相望意悠哉

五溪卽事

魯晉

天河挂綠水飛灑下成溪五道參差出千迴潄澗齊登亭消潄
暑謁佛指前蹊細雨空濛裏蓮花不染泥

分流嶺

章桂芬

駐馬方尋渡潺湲近可聞村從林際見水向嶺前分左右宜修
竹東西占白雲青蓮曾過此詩思自超羣

早發黃荆榻

張士範

子半纔分後勞勞破夢魂登輿醒復寐列炬久仍昏人語臨山
磴雞鳴識野村蓉城知漸近東海上朝墩

伏虎洞

黃江起

陡下如懸溜嶮呀一洞開蒼崖疑伏虎怒吼欲奔雷壁峻山容
窄林浚石角來垂堂憶庭訓跼步重徘徊

隱真泉

陳芳

隱真孤嶂下氣塞斗牛邊跡向靈巖幻名因詔使傳陵陽丹竈
近天柱碧桃妍此去僊蹤異長流一脉泉

天臺峰

鮑震

直行天上路下視萬山寒怪石連星落橫峰側面看幾人窺象
卧千疊鬪龍蟠擬共高僧住朝朝踏翠巒

讀書東巖

東岩一
名石舟

錢希孔

青陽縣志

卷十

藝文志

詩

五四

壁立化城東禪房險處通人行巖樹杪鳥度畫屏中石磴臨初
地泉聲在半空星辰疑不遠日月待天風

過讀山有懷

章聯珠

高賢讀書處尋訪白雲邊石畔森幽竹山根繞曲泉經綸垂奕
世攻苦憶當年駐馬留題詠蓮花翠掃天

五言絕

東巖

梅庚

九十九峰青一峰收眾妙終古此燕坐寒花淡斜照

九華道中

梁國治

翠蔚鄰天表窮高萬仞翔連峰青不斷向客幾低昂

山中口號

胡崑

上山雲截山下山山吐雲只有鐘磬滿雲山兩不分

黃屯阪望九華

王時舉

萬片青蓮花亭亭插仙掌我欲踏其巔兀坐蓮花上

雲峽石

吳大夔

高雲不浪出幽峽自天開忽見白雲去白雲還復來

望九華

吳國屏

家住九華下看山了未窮五溪昨偶出迴顧畫屏中

九華山集唐

吳夢虎

遠望九華峰深山何處鐘寺寒三伏雨樹老五株松

青陽縣志

卷十

藝文志

詩

五五

欲窮千里目寫得九華山時有桃源士何人最往還

閔園松榻

吳光贊

醉臥松虛榻農呼別有天可能容築室一宿便飛仙

華溪二首

陳芳

九曲華溪路鶯歌次第迎人依春草坐壺對野花傾

松聲撼危石山勢遏溪流野鳥如人語幽林引客遊

水雲菴

陳鳴岡

響樹泉疑雨叅天水共雲松枝僧衲褂從不染塵氛

二十四湖秋望

錢希孔

蒼葭風滿湖四散秋聲起漁火亂天星人歌渺茫裏

七言絕句

別九華山

吳兆

寺前秋淨萬峰閒正好尋山又別山谷轉溪迴留不住水深相送到人間

聞兆雯構得山莊感而得句二首

吳襄

吳公尖下景荒涼抱卷童年就草堂憶得山厨供飲啖松花餅軟笋羹香

沿岡竹樹碧叢叢門外千峰盡列東晴雨朝昏看不厭堆藍積翠畫屏中

東巖聽溪聲

吳蓋臣

青陽縣志

卷十

藝文志

詩

五十六

崖下泉聲鳴不歇崖頭客子秋思發老僧捫腹抱雲眠愁絕天台松頂月

天臺寺聽松

甯池華

何處清音徹夜吟山空疑有鶴鳴琴不緣怒浪江湖起辜負松風一片心

望九華

王吉

青天鑱削九芙蓉圓嶠方壺却並工恍惚此身仙密邇摩霄欲往暮雲封

憶天臺

孫之康

夢想九華峰絕頂東巖佳處屋空懸磬聲月出清如許更憶天

臺雲峽邊

青陽道上

張士範

路入臨城雨乍晴
水村煙郭最分明
迤邐一帶青山色
添得詩情分外清

讀陽明先生贈周金和尚偈刻燕坐巖石上先生手書也

趙國麟

誰道陽明不是禪
周金一偈已居然
良知棒喝傳宗旨
桶裏偷閒自在眠

甲午正月二日讀書西峰必慶上人攜梅花一枝相贈口

占絕句二百并寄盧岡諸同志選一

章道鴻

青陽縣志

卷十

藝文志

詩

五七

同心聚處爲論文
應向峰頭認碧雲
我寄渭南詩一句
高標已

壓萬花羣敏翁

雲峰堂

陳蔚

奇峰千仞插岩巖
選勝人來倚碧霄
坐久愈知寰宇闊
一天星斗列檐櫺

春行雨阻五溪

吳光翼

呼童緩步莫催鞭
軟路如膏馬欲癩
小燕呢喃疑阻轡
一雙高舞夕陽天

雲海

何飛鵬

銀浪輕浮空碧寒
盪風平却石欄
干恍疑五色蜃樓現
不羨蓬

萊閣上看

雲峽

何飛鵬

雲峽纔通一線天

石上鐫一線天

虬松如掌弄晴煙我來曳杖金鰲脊

直踞芙蓉萬仞巔

登望華亭

張士範

五溪橋上望華亭偶一停鞭眼便青九十九峰渾似畫何當蠟

屐訪山靈

陵陽鎮

張士範

青陽古治號陵陽幾處人家傍水塘綠樹聲聲鳴布穀農人遍

地插新秧

青陽縣志

卷十

藝文志

詩

五八

澄塘塔影

王化文

方塘澌澈幾千秋古塔橫斜影入流盼到波心活動處曇花莖

草共沉浮

仙臺鶴唳

王化文

觀裏遺經道氣氤臺邊古蹟葯鑪焚丹成仙子歸何處鶴唳空

中夜夜聞

黃荆榻阻雨

張士範

往來初地此更番壯志蹉跎忍細論四十年來羞雪鬢三千里

外憶山村連朝聽雨留僧舍稚子裁詩稟緒言

時驥兒和壁間韵

高士

榻前容小憇更從何處問真源

過東堡次僧壁間韻

張士範

三伏薰蒸路正長，居然風景似炎方。
聊因小憇同僧話，大有餘閒坐佛床。
林鳥嚶鳴通梵語，山泉急響趁輕裝。
慈航現在何時渡，却笑馳驅鎮日忙。

九華步陽明先生韻

曹惟馨

幾朶芙蓉天秀出，謫仙曾到此攀花。
碧沙洞口流香徑，紅樹枝頭染晚霞。
林鳥唵風成好句，巖芝浥露長靈芽。
最宜雨後登天柱，雲海蒼茫未有涯。

天臺峰

陳懋詣

昔人惟賦赤城霞，誰識奇觀屬九華。
亦有石梁通異境，更開雲峽渡靈槎。
羣峰疊作芙蓉萼，一柱中擎齒齒花。
同是天臺應有遇，好隨流水認仙麻。

青陽縣志

卷十

藝文志

詩

五九

題九華山圖

何敬曾

毫素神工峻嵐光，漾畫屏蒼苔雲際隱。
黛岫筆端形林壑，看誰厭塵氛對此醒。
霞飛巖鳥覩雪濺，洞猿聽俯帶澄江。
練遙撐霄漢，青峻嶒揚淑氣縹緲聚。
仙靈風遞松梢磬，泉吟月下經披圖。
磐石固颺拜獻虞廷。

遊九華南麓大魚龍洞歌

洞與長林接，壤舟燃炬入，約二里許，至乾洞，再入穴，窄水急，不可遊矣。洞有七穴，前有小魚龍洞，旁穴與此洞相通。

何飛鵬

聞道神山裂石髓，終古華南流不已。
神君氣母洩精靈，融結險

怪弄餘技高人招我逞遊探編筏欲窮洞穴底燃炬照溪漸陰
寒乍進可愕旋可喜兩洞屈曲云相通七穴黯深二三里崖壁
嵌空俱天成誌圖弗詳詩略擬雲煙結佩眾飛行藐藐蓬壺聚
仙子古貌蒼顏採紫芝商山東角與夏綺或如淵潭睡驪龍或
如琴高溪上鯉或如鳴鳳立山岡或如鶻落而兔起頭角突兀
爪牙張或如象獅搏虎兕蹄輕下澗思飲泉或如飛黃掣電駛
龕頂掛出碧玻璃倒垂又如蓮花藥老幹交柯翠枝橫又如松
脂桂實矣其他一一肖物形鼎鑄筐筥釜甌錡酒甕棋枰沐浴
盤短榻長几堪憑倚懸磬鼓鐘試擊衝鏗鎔鏗鏘轟震耳石灘
數級砥中流玉柱玉笋攢戟峙更入嶙峋瀉潺潺一竇玲瓏射

青陽縣志

卷十

藝文志

詩

六十

日晷綠魚白鳥洲渚旁潑潑天機孰悟旨予曩歷覽鎬洛齊魯
間岱華崧高曾仰止奚囊六載遊 盛京關前遙望滄溟水眼
孔心胸曠無垠庶幾罔復駭聽視誰知七十里提封幽邃幻異
尤如此乃嘆浮世萬象生豈但蜃樓現海市逝將棲息謝塵緣
凡骨終疑神物鄙客能吹笛我嘯歌洞口酒來香洞裏醉歸恍
失武陵源仙乎仙乎一笑指

東坡海市詩蕩
搖浮世生萬象

洞中綠
魚白鳥

憶九華

何鳴謙

憶芙蓉兮九華昌景物兮雲霞春爛熳兮野花溪澗駛兮流沙
山之麓兮我家闢書窗兮烹茶多庄田兮桑麻廣堤塘兮鱗鱗
林蘩蔭兮交楹鳥語好兮棲鴉時觀玩兮乘車攜樂具兮琵琶

遊禪林兮釋迦隨獵人兮兔冒山行倦兮尋河涯水汨汨兮藏
龍蛇夕陽兮西斜盤桓兮情賒

九華山人歌次王陽明韵送章汝愚

賡道南

九華之峰九十九九華山人住谷口餐精馭氣凌高虛耽寂尋
真穿小有自從結屋棲雲露蘭臯蘿壁紛無數十洲元圃登樓
臺萬寶瑤林開府庫華蓋芙蓉杳自如懸崖飛石疑相妬九華
山人真好奇太白已往今誰知竭來射策黃金闕春風桃李非
予私邇復分符江上邑匡廬秀色還參差湘光河影互明滅召
父范叔來何遲出山入山山自好滴翠崖中覓瑤草更從何處
訪名仙雙鶴飛來羽衣縞

青陽縣志

卷十

藝文志

詩

六一

登望華亭

王伸丙

嵌空古寺一僧守收管溪山關戶牖雲霧撥開霄漢青照見峰
頭九十九九九峰巒高倚天峰峰綉出芙蓉鮮有如仙子施輕
黛有如碧紗籠翠煙山僧更指天臺眺側出橫披色色妙眼界
擡高天地寬長歌一曲發清嘯

龍池瀑布

倒瀉龍池水垂崖掛白虹無雲來碧落有雨灑晴空素練穿斜
日寒濤響晚風隨潮終到海利濟滿寰中

五溪早發

王懋修

露下天高夜氣清五溪橋畔聽雞鳴秋河半沒連雲捲淡月猶

懸送客行紅樹人家開曙色曉風僧院起鐘聲一行鴻雁南天
遠願逐飛鵬九萬程

飛來石

王念修

此身高踞在蓬萊何自盤桓九子隈豈爲神鞭因奮躍却看米
拜亦徘徊千尋喚雨凌風起萬里騰雲駕霧來更有飛空峰勢
遠迢迢天路似相陪

遊九華

何若石

慧居

宸

翰氣吞虹額錫華山表大雄纔到上方諸品靜陡聞片唱萬緣
空南京派遡禪燈遠西域流傳眞印崇華誌巖房曾眺覽蓮花

青陽縣志

卷十

藝文志

詩

六二一

快睹映霞紅

重遊九華

何若石

客堂話舊老僧知一笑當年結社遲挈伴同遊情繾綣還思重
訂隔年期

題望華亭

楊慶琛

一筇扶翠上孤亭朶朶芙蓉拓畫屏枕月歸雲何處認朦朧九
十九峰青鸞鶴仙風下碧霄極天蘭棹望迢迢煙嵐浮出修
蛾翠絕似佳人露半腰跨水飛虹影動搖五溪淺溜嚮飄瀟長
松晚雨一聲磬閒看穿雲僧過橋香壇正對化城開雲海白連
霧海來山外看山山更勝月明飛夢入天臺謫仙別後文成到

儒將詩翁兩作家我爲靈山謝知已一瓶高供九蓮花

再題望華亭

八十四梯不可尋鉢蓮極望轉深沉一亭依嶂吞羣翠萬樹團
雲起夕陰題壁半留游客句買山重觸長官心鳴琴流水斜陽
路小幅溪橋寫墨林

壁間讀陽明先生游九華律句

手定強藩若等閒孫吳韜略得追攀大功未報翻招忌匹馬初
歸便入山香界笠飄三竺外書堂燈火九峰間卽今詩句餘靈
氣碧海青天獨往還松頂袈裟花雨濃樓臺橫截玉芙蓉人來
初地見明月僧在上方敲晚鐘巖虎鉢龍聞夜嘯洞鋪金塔紀
青陽縣志

卷十

藝文志

詩

六三

游蹤向平婚嫁何時了準拜先生到此峰

賦

九華山賦

王守仁

九華爲江南奇特之最而史記所錄獨無其名蓋馬遷足跡之所未至耳不然當列諸天臺四明之上而乃略而不書耶壬戌正旦予觀九華盡得其勝已而有所感遇遂援筆而賦之其辭曰

循長江而南下指青陽以幽討啟鴻蒙之神秀發九華之天巧非效靈於坤軸孰構奇於元造遷史缺而弗錄豈足跡之所未到白詩鄙夫九子實茲名之所肇予將窮秘密於崔嵬極元搜而厯考涉五溪而徑入宿無相之窈窕訪王生於邃谷陶金沙

青陽縣志

卷十

藝文志

賦

六四

之清潦凌風雨乎半霄登望江而遠眺步千仞之蒼壁俯龍池於深窅弔謫仙之遺跡躋化城之縹緲飲鉢盂之朝露見蓮花之孤標扣雲門而望天柱列仙舞於晴昊儼雙椒之闢門真人駕雲而獨躋翠蓋平臨乎石照綺霞掩映乎天姥二仙升於翠微九子隣於積稻炎燬起於玉甌爛石碑之華藻回澄秋於枕月建少微之星祧覆甌承滴翠之餘瀝展旗立雲外之旌纛下安禪而步逍遙覽雙泉於松杪踰西洪而憇黃石懸萬丈之灝灝瀨流觴而縈紆遺石船於澗道呼白鶴於雲峰釣嘉魚於龍沼倚透碧之峴岬謝塵寰之紛擾攀齊雲之巉峭鑑琉璃之浩漭沿東陽而西厯殮九節之蒲草樵人導余以冥探排碧雲之

瑤島羣巒翳其繆靄失陰陽之昏曉垂七布之沈沈靈龜隱而復
復佻履高僧而屨招賢開白日之杲杲試胡茗於春陽汲垂雲
之淵湫凌繡壁而據石屋何文殊螺髻之蟠糾梯拱辰而北盼
隳遺光於拾寶緇裳迓於黃匏休圓寂之幽悄鳥呼春於叢篁
和雲韶之鳴鳴喚起促余之晨興落星河於簷櫳護花舳舻
其驚飛怪遊人之太早攬卉木之如濯被晨暉而爭姣靜鏡聲
之剝啄幽人劓參蕨於冥杳碧雞噉於青林鷗翻雲而失皓隱
搗藥於樛蘿挾提壺餅焦而翔繞鳳凰承孟冠以相遺飲沆瀣
之仙醪羞竹實以嬉翺集梧枝之嫋嫋嵐欲雨而霏霏鳴濕濕
於薤葆蠟三遊而轉青峭拂天香於茫渺席浣潭以濯纓浮桃

瀉而揚縞淙淅淅而絡蔭飲猿猱之健狡睨斧柯而昇大還望
會仙於雲表憫子京之故宅款知微之碧桃倏金光之閃映曉
異景於穹切弄元珠於赤水舞千尺之潛蛟並花塘而峻極散
香林之迴飈撫浮屠之突兀泛五釵之翠濤襲珍芳於絕巘曼
金步之搖搖莎羅躑躅芬敷而燦耀幢玉女之妖嬌擧龍鬚於
靈竇墮鉢囊之飄飄開仙掌於嶽嵌散清馨之迢迢披白雲而
蹠崇壽見參錯之僧寮日既夕而山暝挂星辰於岑巖木華海賦或望
骨於宿南臺之明月虎夜嘯而熊咆鹿麋羣遊於左右將侶幽
人之岑寥迥高寒其無寐聞冰壑之洞簫溪女厲晴瀧而曝尤
雜精苓之春苗邀予觴以玉液飯玉粒之瓊瑤溘辭余而遠去

颯霞裾之飄飄復中峰而悵望或仙蹤之可招乃下見陵陽之
蜿蜒忽有感於子明之宿嬰逝予將遺世而獨立採石芝於層
霄雖長處於窮僻迺永離乎厖囂彼蒼黎之緝緝固吾生之同
胞苟顛連之能濟吾豈靳於一毛矧兵燹之頻遭王師局而奔
勞吾甯不欲請長纓於闕下快平生之鬱陶願力微而任重懼
覆敗於或遭又出位以圖遠將無諂於鷦鷯嗟有生之迫隘等
滅沒於風泡亦富貴其奚爲猶榮薜之一朝曠百世而興感蔽
雄傑於蓬蒿吾誠不能同草木而腐朽又何避乎羣喙之呶呶
已矣乎吾其鞭風霆而騎日月被九霞之翠袍搏鵬翼於北溟
釣三山之巨鰲道崑崙而息駕聽王母之雲璈呼浮邱於子晉

招句曲之三茅長遨遊於碧落共太虛而逍遙亂曰蓬壺之藐
藐兮列仙之所逃兮九華之矯矯兮吾將於此巢兮匪塵心之
足攬兮念鞠育之劬勞兮苟初心之可紹兮永矢弗撓兮

翫華亭賦 有序

劉淮

巡撫坦洞先生愛九華山山去縣治觀望雖甚邇卽之
約廢二日士大夫過青有高興欲往者輒復中止先生
注之意妙擇地分虛而且豁可以一覽九華無遺者得
五溪遂亭之題其楹曰翫華公賞眺也爰命教諭葉中
聚作記大略已具予爲先生門下士今天子十有五年
奉命渡江巡閱畿郡凡郡之諸山並佳殊可愛愛之尤

者則九華耳九華蟠結江表爲池陽之眉目其峰九十有九言九舉大數也言華美峰之如花裊娜也夫世之華木有開必謝有榮必瘁然能偕天地而不朽一寒燠而常榮其惟此華乎但諸人聞見小局於形骸之錮不知耳先生有獨知之妙而扁之曰翫予知吾先生有獨知之妙而足其翫翫之云者愛而無已之詞可翫者楚之玉趙之璧隨之乘珠耳是諸人之情也豈復知此翫之妙哉然非心體高明如此華之凌摩霄漢志意鎮靜如此華之盤礴坤軸體之不可量如此華之靈異而嫗煦人物於一方也用之不可測如此華之出雲而爲霖雨天下也默會之九華不在池陽而在吾心詠歌之九華不在吾心而在吾橐昔荆公邀伊川天門看花有平生不好花之語公曰吾輩看花不類常人自足以觀造化之妙伊川曰如是願從先生遊此可知吾坦洞翫華之本體也又五峰遺考亭之詩曰野人偏愛青山好爲是青山青不老山中出雲雨太虛一洗塵埃山更好此可知吾坦洞翫華之妙用也夫九華自開闢來有此亭千載之下不廢此亭之名固宜課之賦詩刻於亭石以足翫華之餘意且以附名於不朽耳

瞻彼元物兮絙池陽之盤紆蹙彼窳窳兮瞰大江之一渠白雲

朱草兮鬱蔚瑤芳朱藹兮羸徐丹梯翠嶠轟轟乎固真仙之所
廬秋昊亭然朶出兮乃造化不死之芙蓉謝巨靈巧擘兮俾大
觀者驚倒而噫噓念予戇之寡合兮笑飄風之毀譽將拋冠以
遊神物外兮飭葆羽之中裾輓飛飈以爲馭兮縹緲於鴻濛之
太初吾將訪河上公以譚元兮乞丹粒而餉虛閱諸峰之絕巘
顧戀戀兮吾皇之極居秋將暮兮未度輿欲遣鶴兮傳尺書仙
人不吾招兮蘧蘧夢雲絕而騎蟾蜍誰構亭兮溪之墟掬九華
兮一瞥餘可握粟兮鳥狙九華之靈兮安秘儲翫之不置兮樂
何如永懷坦洞兮鑄瓊琚

九華山賦

章棟

四可書生性嗜山水兩登化城三遊九子枉踐仕境靜思可恥
俗緣猶在塵心未洗山靈笑我徒生於此而長於此墨工槩人
高才雅士披圖慕名望峰獻句徒得其概未詳其媿赤髭白足
樵夫牧豎坐臥朝昏遊移遠邇或三爲羣或四爲侶遇險不懼
逢幽不喜禱雨祈晴如斯而已嗚乎自有乾坤便有此山其曰
九子取其若兄弟之班史遷南遊略而不錄唐李謫仙加以九
華之目素絲改色璞玉發藏何否於漢而泰於唐諒尤物之不
終秘迄於今而名逾彰東迓宣歙西控長江摩青蒼以睨羈下
壓后土之鴻龐孰剗刻兮渠眉琮璜孰陶鑄兮廣輪無疆孰比
鄰兮衡廬茅蔣孰主客兮岱霍嵩恒叶爰有鳥兮曰克丁當爰

有草兮莎羅鉢囊龜年莫辨神農未嘗鬪雞有石搗藥有方遊
仙有跡去賢有堂冠卿名高荀鶴名芳希坦學幻清隱言龐季
文高尚葛翁荒唐曰龜現瑞丹鳳呈祥浮桃可以致富仙燭可
以秉光龍泉可以沾丐蟾土可以充腸以上並山中實事鳴鼓吹於萬
壑響雲韶於叢篁禽言漏梅蘇之集多識缺風雅之章乃若所
謂天河掛綠水秀出九芙蓉李方將愛其清絕層標遏遲日半
壁明朝霞高則又駭其奮迅也積雪曜陰壑飛流歆陽厓韋權
方將嘆其含蓄鴻驚曉霜淨花明初雨收羅則又賞其閒曠也
其中幽境客難到建蕭方將訝其靜定神母遙遙將九子王梅則
又驚其活動也排空峭石生元筭落日奇峰掛赤霞薩天此山

間之朝暮也峰巒列峙仙境子母相依孝義山海此山間之
今古也嗚乎千變之形無極萬殊之象不同眾皴諸或不能盡
冢筆更僕不可終欲升高而舍其下等借道而敏於矇母效潘
孟陽母爲阮嗣宗申伯神嶽孺子靈洪三蘇顯眉叔易愧嵩家
隨司馬谷隨愚公指終南而鄙盧子語琅邪而仰醉翁北山迴
俗士之駕南陽臥人中之龍或地靈而人傑或鶴怨而悵空履
扁石之亦卑干青雲而益崇信崇卑之由我而敢迷亂其所從
乎諱曰九華之鬱葱兮新舊號以芙蓉兮佳名傑句兩穹窿兮
誰復於此巢雲松兮將往者之不可作而作者之不工兮我思
無窮兮

龍女泉賦

何飛鵬

探原泉之有本兮羨時出而不窮湛清波於靈爽兮欣娟秀而
 若逢想山澤其一氣兮豈絕頂而無江海之通聞羅浮之卓錫
 兮要由人力而非天工覽宇宙之流泉兮不知幾千萬落披圖
 志於華岫兮蓋亦不一而足則有耀浮光於金沙沉靜影於碧
 玉則有七布三角虎跑龍躍瑞泛白龜嚮迷翠瀑則有井鍊丹
 而遐升石窺酒而側立神僧療疾注甘露於中峰拾遺烹茶汲
 少微之厓北紛眾泉之揚清讓龍女於首出爾其惠風和暢春
 日載陽花醉露以濯錦草薰晴而洗香山雉朝雒社鷲來翔筍
 叅玉版茗鬪旗槍於斯時也溜涓涓而涵潤漾潏潏而凝光激

青陽縣志

卷十

藝文志

賦

七十

清芬於綽約弄皎潔以徜徉爾其火輪懸照赤輅在郊川原蒸
 鬱岩壑枯焦遐哉峩嶠千尺雪邈矣錢塘五月潮鑿琉璃之瑩
 淨並醜醜之灌澆何所慕乎七碗爭取快於一瓢爾其夕陽沉
 渚薦蘿滴露碧桃澗名在煙香蘭笑吐飛仙木名飛仙蓋擁蓋而隨車
 玉女列幢木名玉女幢而清路下巫神兮瀟湘夢宓妃兮洛浦及其
 韻叶松濤冷侵竹色佩瓔珞花名玉瓔珞而流連儼步搖花名金步搖於
 髣髴映紫豔之芙蓉迸青泥於靈谷騷人染翰煙騰柿葉之書
 佛子燒鑪雲滿蓮花之鉢用之無方取而不竭爰有謫仙一斗
 百篇築舍於側飛觴其巔詩枯酒渴肺爍舌煎尋夏玉泉名以既
 杳訝弄珠潭名而來前何蔗漿之足擬比瓊液而猶鮮於是雨怒

雲翻潑千行之墨浪星搖電逐借一幅於青天至如高人逸士
採芝佩芷策枯藤兮從遊藉豐草兮少憇盼桂樹山有以怡顏
枕清流而洗耳又如牧童樵叟山中之友或礪斧斤或飲牛口
苟利益之在人亦莫敢於予醜若乃鳳凰山有鳥名山鳳凰鳴兮碧梧
枝駕青虬兮騷白螭揚輕裾兮舉長袖吹洞簫兮參差響曳紅
雲兮御波臣而下顧靈之來兮謂予心之久遲若乃青猿嘯兮
山月高瘦蛟潛兮壑霧消跨虹梁以爲渡兮望銀漢之星遙逝
將西遊乎瑤圃兮奚爲終鬱鬱於塵囂悵幽思而不能已兮贈
雜佩以鮫綃攀天臺而遠眺兮彼何去而何招抑有異者書堂
之側金塔之旁兩泉孰是不可得詳近於佛者說屬荒唐介乎
青陽縣志

卷十

藝文志

賦

七一

聖人在上兮算無疆仰居高而澤下兮蔭彼甘棠庶幾夙夜兮永終

譽而流芳

陳巖李白書堂詩
蘭蕊春風滿地香



曉發荷葉洲抵青陽校官任

訓導周 贊 蓉裳

借得漁舟小孤帆破曉涼蓮花九峰月荷葉一洲霜性拙交遊寡官貧道路長多情到江水迎我上青陽

青陽懷古

荷葉橫天兩水迴蓮花障日九峰開金天古帝書鸞去碧海空王駕象來國小地分宣郡脉山高名重謫仙才倉皇戎馬經行處取次芙蓉入酒杯

東崖夜坐懷古二首

宴坐堂明月滿空錦衣石瘦影朦朧強藩護衛輕儒將兒戲君王奪戰功千古大名諸葛後兩朝高唱九華中瓣香仰止陵陽

青陽縣志

卷十

藝文志 詩 七二

路自比蚩氓念佛衷

五百年來履跡新蓮花峰頂卓孤臣河山一唾經天手龍象重迎載道身屏上閑行雲護影壺中靜坐月窺人東崖磬欬分明在永祝馨香降嶽神

青陽感懷

金天故國九華開地割宣州一角來花發謫仙沽酒路鳥啼文正讀書臺鰕遊夜水馳千火鱸釣秋潭出四腮獨坐廣文官舍冷碧梧深院長莓苔

